

# 世史正綱

十之十二




漢書門			
類	號	函	架
八	七	六	一
〇	〇	〇	〇

內閣文庫			
類	號	冊	函
漢	八	一	八
書	七	〇	四
類	〇	一	二

內閣文庫			
番號	漢	8774	
冊數	10 ( 4 )		
函號	284	40	





世史正綱卷十



世史

漢景帝子中山靖王勝之後

魏都鄴

吳都建業

陳壽作三國志曰魏曰吳曰蜀各為

之志今改蜀稱漢者蓋昭烈自以為

漢室之胄初為漢中王既而聞帝協

被害即皇帝位以承漢統雖居蜀地

而實未嘗改國號蜀也陳壽晉人以

淺草文庫

丁集

晉受魏禪不敢帝漢而以其所都之地稱嗚呼史氏實錄將以示信萬世雖行事之小者不可失其實况國號

乎

辛丑

漢照烈皇帝章武元年

魏主丕黃初二年

夏四月漢中王即皇帝位以承漢統大赦改

元

以諸葛亮為丞相

立漢宗廟祫祭高祖以下諸帝于成都

立夫人吳氏為后子禪為太子

徙

孫權徙治武昌

魏始置中書今掌機密

五月晦日有食之

秋八月帝自將伐吳

孫權諸和不許

孫權受魏封為吳王

漢太尉楊彪仕魏為光祿大夫

壬寅

漢章武二年

魏黃初三年

春正月朔日有食之

魏除漢貢士限年法

帝進軍狁亭

魏立子弟為王設官防輔

吳陸遜進攻狁亭諸軍敗績帝還永安

魏立法自今后家不得輔政

營南北郊

冬十一月晦日有食之

吳人來聘遣使報之

癸卯

漢

章武三年五月以後帝禪建興元年

魏黃初四

年吳黃武二年

按司馬氏資治通鑑凡書號年皆以後來

者為定綱目因之蓋以春秋書定公為例也然昭公以去年十二月薨則次年事不得復繫於昭公定公之立之年其正月未有所繫也繫之於定固無不可若夫秦漢以來之君君崩未踰年而改元者崩與立同在一年之中而書其嗣君之元是予之也豈所以示戒乎假令先君之終在於歲首未有事可書然且不可况夫閱月既久事有當書者何以為稱所書之事其先君乎嗣君乎如此年之書歲首既書曰後主

建興元年至于四月又書帝崩于永安所  
謂帝者誰歟故正之它倣此

夏四月帝崩于永安宮丞相亮遺詔輔政

在位二年  
壽六十三

五月太子禪即位改今年為元年

禮國君即位踰年而後改元者臣子之心  
不忍一年而有二君也當照烈崩後主即  
位之初諸葛亮為相也乃亦不踰年而改  
元何歟

尊皇后曰皇太后

葬惠陵

封亮為武鄉侯領益州牧

遣尚書鄧芝使吳

立妃張氏為皇后

甲辰

漢建興二年

魏黃初五年  
吳黃武三年

吳人來聘復遣使報之

魏立太學

魏曹丕以舟師擊吳臨江而還

冬十一月晦日有食之

乙巳

漢建興三年

魏黃初六年  
吳黃武四年

丞相亮南征

丞相亮討雍闓斬之滇池四郡平

魏曹丕再以舟師擊吳不能渡

丙午 漢建興四年 魏黃初七年

中都護李嚴移屯江州

吳令諸將屯田

魏主曹丕死子叡立 是為明帝

丕既稱帝矣而書其名且以死書何所以  
戒夫後世之為人臣者一時雖以智力得  
之其如天道人倫何蓋專論其是非而不

復計其成敗也若夫孫權明帝之以卒書  
者蓋權位雖竊然非若丕之父子親北面  
帝協而奪之也叡雖丕子然承乃父之業

非處心積慮而後得者也

丁未 漢建興五年 魏主叡太和元年

詔伐魏丞相亮率諸軍出屯漢中以圖中原

魏孟達以新城來歸

戊申 漢建興六年 魏太和二年

魏陷新城孟達死之

丞相亮伐魏戰于街亭敗績亮諸自貶詔亮

請

以右將軍行丞相事

行丞相事之名始見于此

右將軍亮伐魏圍陳倉不克而還

己酉 漢建興七年 魏太和三年 吳主孫權黃龍元年

魏立聽訟觀

吳遣將士浮海求夷州宜州

亮伐魏拔武都陰平復拜亮丞相

夏四月吳王孫權稱皇帝 是為大帝

遣衛尉陳震使吳及吳主權盟約中分天正

魏制後嗣有由諸侯入奉大統者不得顧私

下

親

吳遷都建業

魏置律博士

後世非五經置博士始此

庚戌 漢建興八年 魏太和四年 吳黃龍二年

魏立郎吏課試法

魏寇漢中丞相亮次成固魏師還

辛亥 漢建興九年 魏太和五年 吳黃龍三年

丞相亮伐魏圍祁山

亮敗魏司馬懿于鹵城斬其將張郃

魏東阿王植上書請寬諸侯王法禁

冬十一月晦日有食之

壬子 漢建興十年 魏太和六年 吳嘉禾元年

丑癸 漢建興十一年 魏青龍元年 吳嘉禾二年

夏閏五月朔日有食之

寅甲 漢建興十二年 魏青龍二年 吳嘉禾三年

丞相亮伐魏

故漢主協卒于魏魏謚曰孝獻皇帝

舊書山陽公卒此書漢主協何不予魏之廢也帝素無失德徒以生世不辰而遭奸

雄之挾制耳然書名書卒則其不死社稷之罪亦自見也

丞相亮進軍渭南魏司馬懿引兵拒守亮始

分兵屯田

吳主權擊魏魏主叡自將擊却之

丞相武鄉侯諸葛亮卒于軍

以蔣琬為尚書令總領國事

遣中郎將宗預使吳

乙卯 漢建興十三年 魏青龍三年 吳嘉禾四年

魏主叡致其嫡母于死



以蔣琬為大將軍錄尚書事以賈禕為尚書

令

魏大營宮室郡臣諫不聽崇華殿災尋復起

魏張掖涌石負圖

書涌石僅見此

丙辰 **漢**建興十四年 魏青龍四年  
吳嘉禾五年

吳始鑄大錢一當五百

書大錢如此嗚呼上天立君以為生民之

王蓋以之掌天下之利非以其專天下之

利也日中為市使民交易以通其有無以

始

物易物物不常有故有貨幣之設焉必物  
與貨兩相當直而無輕重懸絕之倫然後  
可以久行而無幣時君世臣徒以用度不  
足之故設為罔利之計以欺天下之人以  
收天下之財而專其利於己是豈上天立  
君之意哉宜其卒不可行也

冬十月有星孛于大辰又孛于東方

魏合公弼舉才德彙備之士

十一月彗星見

丁巳 **漢**建興十五年

魏景初元年  
吳嘉禾六年

春正月魏黃龍見改正朔以建丑月為歲首

公孫淵稱燕王于遼東

皇后張氏崩

魏主叡殺其后毛氏

魏營圓丘方丘及南北郊

戊午

漢延熙元年

魏景初二年八月以後赤烏元年

立貴人張氏為皇后

立子璿為太子

吳鑄當千大錢

魏司馬懿克遼東

蔣琬出屯漢中

魏君司馬懿入朝以曹爽為大將軍

己未

漢延熙二年

魏景初三年吳赤烏二年

魏主叡卒子芳立

魏如曹爽司馬懿侍中都督中外諸軍錄尚

書事

魏曹爽以司馬懿為太傅

以蔣琬為大司馬

冬十二月魏復以建寅之月為正改來年元

庚申

漢延熙三年

魏主芳正始元年吳赤烏三年

辛酉 漢延熙四年 魏正始二年  
吳赤烏四年

吳人攻魏魏擊却之

蔣琬徙屯涪

魏置淮南北屯田廣漕渠

故漢遺民管寧卒于魏

壬戌 漢延熙五年 魏正始三年  
吳赤烏五年

魏始行釋奠禮

書釋奠始此

癸亥 漢延熙六年 魏正始四年  
吳赤烏六年

夏五月朔日有食之既

禕

甲子 以費禕為大將軍錄尚書事

漢延熙七年 魏正始五年  
吳赤烏七年

魏曹爽寇漢中費禕督諸軍救之

夏四月朔日有食之

以費禕兼益州刺史董允守尚書令

乙丑 漢延熙八年 魏正始六年  
吳赤烏八年

太后吳氏崩

大司馬蔣琬卒

以宦者黃皓為中常侍

丙寅 漢延熙九年 魏正始七年  
吳赤烏九年

以姜維為衛將軍與費禕並錄尚書事

丁  
漢延熙十年魏正始八年

春二月朔日有食之

魏曹爽遷其太后于永寧宮

戊  
漢延熙十一年魏正始九年

魏以徐邈為司空不受

費禕出屯漢中魏正始十年四月以後嘉平元年

己  
漢延熙十二年魏正始十一年

魏司馬懿殺曹爽及何晏等夷其族

魏司馬懿自為丞相加九錫復辭不受

姜維伐魏雍州不克

庚  
漢延熙十三年魏嘉平二年

吳廢其太子和立子亮為太子

魏擊吳戰于江陵大破之

辛  
漢延熙十四年魏嘉平三年

魏司馬懿殺王凌及楚王曹彪遂置諸王公

于鄴

後世禁錮諸王始見于此張枳曰天有顯道厥類惟彰感應之理未有不以其類者方其殺人之親孰知人殺吾親其機固已

在此乎觀魏晉南北朝之君互相屠戮自  
今觀之屠戮他人者實自絕滅而已矣  
司馬懿死其子師自為梅軍大將軍錄尚書  
事

魏分匈奴左部為二國

費禕北屯漢壽以陳祗守尚書令

壬申漢延熙十五年魏嘉平四年四月以後吳主

亮建興元年

魏司馬師自為大將軍

夏四月吳主權卒子亮立以諸葛恪為大傅

是為會稽王

魏擊吳戰于徐塘魏人敗走

癸酉漢延熙十六年魏嘉平五年

盜殺大將軍費禕

吳諸葛恪擊魏

姜維伐魏圍狄道

吳殺其大傅諸葛恪

吳殺其南陽王和

甲戌漢延熙十七年魏嘉平六年九月以後魏主

魏司馬師殺中書令李豐及大常夏侯玄光

祿大夫張緝遂廢其后張氏

姜維伐魏拔三縣

秋九月魏司馬廢其主芳遷之河內是為高

冬十月迎高貴鄉公髦立之貴鄉公

乙亥漢延熙十八年魏正元二年

魏揚州都督毋丘儉刺史文欽起兵討司馬

師

司馬師死其弟昭自為大將軍錄尚書事

姜維伐魏敗其兵于洮西

丙午漢延熙十九年魏正元三年六月以後甘露元年吳五鳳三年九月以

魏

後太平元年

以姜維為大將軍

魏司馬昭服袞冕赤舄

姜維伐魏與其將鄧艾戰敗績

魏司馬昭自為大都督奏事不名假黃鉞

丁丑漢延熙二十年魏甘露二年

魏揚州都督諸葛誕起兵討司馬昭

戊寅漢景耀元年魏甘露三年吳太平三年九月以後吳主休

永安元年

魏司馬昭殺諸葛誕其麾下皆死不降

魏司馬昭自為相國封晉公加九錫復辭不受

吳孫綝廢其主亮為會稽王迎立琅邪王休

是為景帝以綝為丞相

吳封兄子皓為烏程侯

吳孫綝伏誅

己卯 漢景耀二年 魏甘露四年 吳永安二年

以董厥為尚書令諸葛瞻為僕射

庚辰 漢景耀三年 魏甘露五年 吳永安三年 五月以後魏主與

春正月朔日有食之

夏五月魏主自討司馬昭王沉王業泄其謀

昭弒之于南闕下尚書王經死之

魏尚書僕射陳泰請司馬昭誅賈充

魏司馬昭以殺逆罪歸成濟誅之夷三族

魏主髦之被弒司馬昭之心賈充之計也

特假成濟手耳昭殺之以欺世追誅今亦

以昭誅書之何用以示戒萬世使人毋為

賊臣所欺也蓋以君臣之義根於人心人

人有之初不以貴賤而有異也昭之官雖

尊濟之官雖卑然皆魏之臣子也昭固不

可有將之之心濟豈可有刺之之理哉書  
之于冊以示萬世之為人臣僕者使知所  
去就人人不為權奸所用則彼亦安能獨  
以其一人智力為之哉

魏

司馬昭迎常道鄉公奐立之

是為元帝

已辛

漢景耀四年

魏景元二年  
吳永安四年

以董厥諸葛瞻為將軍共平尚書事樊建為

尚書令

鮮于索頭部拓跋力微遷盛樂

元魏之先基于此

壬午

漢景耀五年

魏景元三年  
吳永安五年

姜維伐魏洮陽不克

魏司馬昭殺中散大夫懿康

魏將入寇以鍾會都督關中軍事

未癸

漢炎興元年

魏景元四年  
吳永安六年

詔立故丞相亮廟于沔陽

魏遣鄧艾鍾會將兵入寇關口守將傅命死  
之

吳人來援

魏司馬昭稱相國晉公受九錫



魏鄧艾自陰平入蜀衛將軍諸葛瞻及艾戰于綿竹瞻及其子尚皆死之魏鄧艾至成都帝禪出降皇子北地王諶死之漢亡是歲蜀漢亡歷二主四十三年通前後漢自帝協為魏所廢其亡也四十四年矣至是始書漢亡何所以紹昭烈於高光也夫國家之興上以承天奉祖下以君國子民漢之士地人民至是雖分於魏於吳而其祀祖配天實未嘗絕以有照烈父子存

土

焉耳此綱目於帝協之廢而不書漢七必至於帝禪之降而後書之也歟

申甲 ○魏咸熙元年  
吳主皓元興元年

魏鍾會構鄧艾罪昭以檻車徵艾會謀反伏誅監軍衛瓘襲艾殺之

魏司馬昭自為晉王

魏廢故漢帝禪為安樂公

魏復五等

吳主休卒烏程侯皓立是為後主

魏司馬昭立其子炎為晉世子

乙酉 ○ 魏咸熙二年十二月晉司馬炎泰始元年

吳遷都武昌

秋八月魏司馬昭死其子炎嗣為晉王

冬十二月魏司馬炎篡位國號晉武帝廢魏

主為陳留王是歲魏七歷五

晉除魏宗室禁錮

晉大封其族屬

晉置諫官

丙戌 ○ 吳甘露二年八月以後寶鼎元年

晉始除郊祀五帝座

夏六月晦日有食之

冬十月朔日有食之

十一月日長至晉行賀禮

按後世歲行三大賀禮歲首長至及人主生日也歲首始於漢高帝生日始於唐玄宗長至之禮不見於紀傳惟晉禮志云魏晉冬至日受方國及百僚稱賀因小會其儀亞於獻歲之旦志兼言魏晉不知其在何時魏偏安一隅禮文未備今姑附于晉武首立之年以著其禮之始云

晉并圓丘方丘之祀於南北郊

吳還都建業

散騎常侍傅玄論虛誕

丁亥 ○ 吳寶鼎二年

晉立子衷為太子

晉徵捷為李密不至

晉令二千石終三年喪士卒有親喪許奔赴

晉禁星氣讖諱之學

戊子 ○ 吳寶鼎三年

晉太后王氏卒晉主蔬素終喪

緯

### 晉太保王祥死

祥仕魏累遷太常封萬歲亭侯魏主臨幸太學命祥為三老南西几杖以師道自居天子北面乞言其受魏之禮荷魏之恩不為不至一旦乃甘心臣於異姓向者所乞之言所謂明王聖帝君臣政化之要果安在哉古者求忠臣於孝子之門祥事君之忠如此則其孝可知已

秋七月衆星西流如雨而隕

丑巳 ○ 吳寶鼎四年十月以後建衡元年 晉泰始五年

晉置鮮卑降者于雍涼

鮮卑五胡之一也其亂華始此

晉以羊祐都督荊州軍事

晉錄用故漢名臣子孫

秋九月有星孛于紫宮

唐○吳建衡二年

晉胡烈討鮮卑秃髮樹機能

此南涼之先

辛卯○吳建衡三年

匈奴右賢王劉猛叛晉出塞

晉以賈充都督秦涼軍事荀勗等請以充女  
為太子妃充復留

晉安樂公劉禪卒

冬十月朔日有食之

壬辰○吳鳳凰元年

晉太子衷納妃賈氏

冬十月朔日有食之

癸巳○吳鳳凰二年

夏四月朔日有食之

秋七月朔日有食之

一 晉選良家女備六宮禁天下嫁娶

書選女入宮始此按胡安國謂詩載牆有  
茨桑中諸篇於定之方中之前以見衛為  
狄所滅之因呂祖謙亦謂自古淫亂必召  
夷狄周幽衛宣以來歷歷可數晉武帝以  
篡得國不選賢以任眾職而選女以備六  
宮乃至禁天下人之嫁娶淫荒如此其致  
五胡之亂也宜哉

甲午 ○ 吳鳳凰三年

春正月朔日有食之

晉詔自今不得以妾媵為正嫡

三月癸亥日有食之

晉傅士陳遠議太子宜終母服杜預上議駁

之

冬十二月有星孛于軫

故魏主芳卒于晉

吳比三年大疫

乙未 ○ 吳天冊元年

秋七月晦日有食之

晉大疫

丙寅 ○ 吳天璽元年  
晉咸寧二年

秋七月有星孛于大角

八月有星孛于大極

晉羊祜上疏請伐吳

晉立后楊氏以其父駿為車騎將軍

丁酉 ○ 吳天紀元年  
晉咸寧三年

春正月朔日有食之

秋七月有星孛于紫宮

晉遣諸王就國分其國為三等各置軍督所

部

晉大水

戊戌 ○ 吳天紀二年  
晉咸寧四年

春正月朔日有食之

夏四月蚩尤旗見于東井

晉詔毋得獻奇技異服

晉錄平侯羊祜卒

晉初立國子學置祭酒

此國子祭酒之始

己亥 ○ 吳天紀三年  
晉咸寧五年

春三月有星孛于柳

夏四月又李干女御

晉以匈奴劉淵為左部師

匈奴晉五胡之一也其亂華始于此

秋七月有星李干紫宮

晉汲郡人殺魏安釐王家得竹簡書

晉大舉兵伐吳

晉馬隆平涼州斬樹機能

子庚

○吳天紀四年  
晉咸寧六年四月以後大康元年

春晉諸將至建業吳丞相張悌迎戰死之

三月晉王濬以舟師入石頭吳主孫皓出降

晉賜孫皓爵歸命侯

是歲吳亡歷  
四主六十年

按自漢初平元年歲在庚午閔東兵起天

下大亂分為三國至是歲庚子凡九十一

年而復為一

晉遣使行荆揚除吳苛政

晉封拜平吳功臣

晉詔罷州郡兵

侍御史郭欽請徙內郡雜胡於邊地不聽

晉制戶調之式

世史正綱卷十

丁集

世史正綱卷十一

丁集

○晋世史

姓司馬氏  
都洛陽

晋武帝

諱炎  
懿之孫

且辛

大康二年

天

嗚呼民生有欲無主乃亂天必立君以主之使之建其有極以為天下臣民之所視倣善者有所特而安於為善惡者有所忌而憚於為惡上必有所不為而後禁下使之不敢為苟在上者得之不以道行之不以義則下效而為之固其所也又何以禁



其下哉是故人君之道在平建極非道非  
義而得天下則是惟皇之極不建矣皇極  
不建徒以其能運智力而攘奪人之所有  
立法制以驅率人之必從則謂之日彼能  
混四海九州於一統致朝覲訟獄之皆歸  
即以正統予之但計其所見有而不究其  
所從來則是儒者作書以教天下後世之  
亂臣賊子使之必為竊國之侯而不竊方  
寸之鉤以取誅梟獍豺狼接迹於天下矣  
迹晉之所以得天下始於司馬懿繼以師

侯

昭而終之於炎凡弑一帝廢一帝又弑一  
后一時王公士夫為所殺害者非可一二  
數則其所以處心積慮以謀魏人之家國  
期於必得不復知有天理人倫者父子祖  
孫歷四世矣一旦幸中其計死者抱千載  
不報之冤生者含沒世世不平之憤人衆勝  
天卒莫如之何也已矣後世秉史筆者又  
復以成敗論事而不復誅其心發揚其奸  
惡艾除其不義之為則天理人倫於是乎  
息滅矣世道將安賴哉世又何用儒者為

我史綱墨書晉字於圈中而分書其年於下著其雖能得天下而其所得者乃所不當得雖得之猶不得也使後之亂臣賊子知奸謀詐力雖可以快於一時而公道正論終不能掩於後世庶乎國家禍亂其少弭哉

選吳伎妾五千人入宮

慕容涉歸寇冒黎

前燕始見于此五胡亂華鮮卑其一也不獨慕容氏如拓跋禿髮乞伏之類皆鮮卑

也

壬寅 太康三年

春正月朔晉主親祀南郊

傅咸上書論奢侈

賈充死

癸卯 太康四年

春三月朔日有食之

歸命侯孫皓卒

甲辰 太康五年

春正月龍見武庫井中

乙酉 太康六年

秋八月朔日有食之

丙申 太康七年

春正月朔日有食之

制大臣終三年喪

丁未 太康八年

春正月朔日有食之

太廟殿陷

戊申 太康九年

春正月朔日有食之

日食三朝大異也武帝之世嘗再見矣至是三年又連見焉秦漢以來所未有也苟操皆以臣篡君然苟止於其身操子若孫不能混一天下惟懿之孫乃合九州而有之人衆勝天天亦莫如之何也已矣故天著厥象以示警告焉使萬世之下知人謀雖可以暫勝天理則終於必定世儒有論天者謂其不急性有記性其言雖近俚而亦有理也哉

夏六月朔日又食

旱

秋八月星隕如雨

己酉

晉 太康十年

後郊祀五帝位

遣諸王假節之國督諸州軍事

以劉淵為匈奴北部都尉

庚戌

晉

太熙元年四月以後孝惠永熙元年

夏四月以后父楊駿為太尉輔政

晉主司馬炎死

武帝晉混一之主也而書其姓名又以死

書何為萬世綱常計也夫人之所以為人而異於禽獸者以其有綱常也君臣一倫為三綱五常之主而父子夫婦賴之以正仁禮智信賴之以行所以植立人類網維世道不可一日無焉者也其位一定而不可易其道有常而不可變苟臣之強則許以代其君事之成則予以繼其統愚恐新莽復生不能無辭於世矣此其所以循曹丕例而書其姓名與死以為萬世戒也或曰曹丕死時漢統未絕書其姓名可也武

帝混一天下諸侯朝覲獄訟之皆歸亦以  
 丕例之可乎嗚呼至與炎皆北面故主而  
 臣事之一且攘其臂而奪其位其得地有  
 廣狹其篡奪則一也苟異其書則是以咸  
 敗論矣豈正誼明道之謂哉雖然此亦天  
 意也何則武帝在位二十一年日食凡十  
 有七而在三朝者七一年再食者四天意  
 蓋昭昭然矣况其在位無君人之大度無  
 貽後之遠圖啓五王爭奪之亂基五胡亂  
 華之禍僅一再傳即為裔夷所執貽世主

之辱稔生靈之言是其雖居君位而無君  
 道得之既不以正守之又不足以道以是書  
 之雖得罪於天下後世不敢辭也然則所  
 謂為萬世戒柰何孟子有言行一不義殺  
 一不辜而得天下不為也司馬氏之得天  
 下殺不辜之人行不義之事亦云多矣彼  
 既以非道得之而身享其安富尊榮後世  
 秉史筆者又從而予之世又突用史為哉  
 或曰春秋桓宣二公預聞弑逆而代其位  
 孔子亦未嘗削去其公稱然則孔子非歟

曰孔子魯人也而書魯先君事為親者諱  
不得不然豈異世史官比哉

子衷立 是為惠帝

改今年為元年

尊后楊氏為太后

立賈南風為后

以楊駿為太傅大都督假黃鉞錄朝政百官

總已以聽

立子適為太子

以劉淵為匈奴五部大都督

晉惠帝

諱衷武帝子

辛亥

惠帝永平元年三月以後元康元年

春正月朔改元

三月又改元

賈氏殺太傅楊駿廢楊太后為庶人幽于金

墉城

徵汝南王亮為太宰與太保衛瓘並錄尚書

事

論誅楊駿功侯者千八十一人

傳咸曰無功而受賞莫不樂國有禍禍起

傳

當復有大功也人而樂禍其極乎

賈氏殺太宰亮太保瓘及楚王瑋

以賈模張華裴頠為侍中並管機要

京師地震

壬午 晉 元康二年

賈氏弒故太后楊氏于金墉城

癸丑 晉 元康三年

夏六月弘農雨雹深三尺

甲寅 晉 元康四年

慕容廆徙居大棘城

大饑山崩地震陷水涌

乙卯 晉 元康五年

夏四月彗星見于西方

荊揚兗豫青徐州大水

冬十月武庫火焚累代寶器

索頭分其國為三部

丙辰 晉 元康六年

以張華為司空

秦雍氏羌齊萬年偕號

畧陽氏楊茂搜據仇池

安豐女子犯為男

女化為男始見此

以趙欽為益州刺史

丁巳 元康七年

將軍周處及齊萬年戰敗死之

以王戎為司徒

戊午 元康八年

秋九月荊豫徐揚冀州大水

畧陽天水流民就食漢川

李特之亂兆于此

己未 元康九年

太子洗馬江統論徙戎不聽

臣按昔人有言晉之亡大率中原半為夷

居劉淵匈奴也而居晉陽石勒羯也而居

上黨姚氏羗也而居扶風苻氏氐也而居

臨渭慕容鮮卑也而居昌黎種族日繁其

居處飲食皆日趨於華惟其桀暴貪悍樂

關喜亂之志態則無時而可棄也是以劉

淵一倡而并雍之胡乘時四起自長淮之

地無復晉土而為戰爭之場者幾二百年



北

嗚呼後之人思為國家遠慮者其尚為子  
孫計豫有江杜絕消弭之母謂彼既久處  
中國必無後患而輕忽之哉晉之事可鑒  
也已

以成都王穎為平地將軍鎮鄴河間王顥為  
鎮西將軍鎮關中

以裴頠為尚書僕射

冬十一月朔日有食之

賈氏廢太子適為庶人尋幽之于許昌

庚申 永康元年

春三月尉氏雨血妖星見南方太白晝見中  
台星折

賈氏殺故太子適

夏四月朔日有食之

趙王倫廢賈氏為庶氏殺之遂殺張華裴頠

倫自為相國尋自加九錫

倫立臨淮王臧為太孫

淮南王允討趙王倫不克而死

出齊王罔鎮許昌

改司徒為丞相

冬十月黃霧四塞

立后羊氏

十二月彗星見于東方

趙歆反于蜀

西

辛

永康二年四月以後永寧元年

以張軌為涼州刺史

居姑臧

前凉始于此

趙王倫篡位遷晋主于金墉城殺太孫臧

巴氏李特殺趙歆

齊王冏及城都王穎河間王顥等舉兵討倫

春閏三月朔日有食之

自正月至于是月五星互經天縱橫無常

成都王穎擊敗倫兵帥師濟河

尤衛將軍王輿等迎晋主復位倫伏誅

立襄陽王尚為太孫

以齊王冏為太司馬成都王穎為大將軍河

間王顥為太尉常山王乂為撫軍大將軍進

新野公歆為王穎表冏輔政與顥等各歸鎮

巴氏李特據廣漢進攻成都

李氏據成都始于此

壬戌 永寧二年十二月太安元年

夏四月彗星晝見

書彗晝見始此

太孫尚卒立清河王暉為太子

河間王暉使長沙王乂殺齊王冏

鮮卑宇文部圍棘城

宇文周之先兆于此

故魏主曹真卒

癸亥 太安二年

義陽蠻張昌及其黨石冰寇揚州

河間王暉成都王穎舉兵反晉主自將討穎

顥將張方入京城大掠

長沙王乂奉晉主及穎兵戰于建春門

穎進兵逼京師

李特死弟流領其眾尋死特子雄代之

甲子 晉 永安元年七月改建武十一年復改永安

春正月改元永安

東海王越使張方弒長沙王乂穎入京師自

為丞相尋還鄴

雍州刺史劉沉及顥戰敗死之

穎廢后羊氏及太子覃

顥表穎為太弟自為太宰雍州牧

太弟古無此名也司馬顥承穎意始創為之

秋七月東海王越奉晉主征穎復后太子穎遣兵拒于蕩陰侍中嵇紹以身衛晉主被

害晉主入鄴越歸國

改元建武

幽州都督王浚并州刺史東羸公騰起兵討

穎

穎殺東安王繇琅邪王睿走歸國

張方復入京城廢后及太子

匈奴左賢王劉淵緇大單于于離石

單于匈奴號也以夷狄之號行夷狄之地

固其所也劉淵緇匈奴之號居中國之地

而統中國之人民三代以來所未有也其

亦世髮之始歟

劉淵追尊故漢帝禪為孝懷皇帝

淵匈奴也尚知帝禪為漢帝之後或者乃

謂其族屬踈遠不得以繼漢統何哉

北

王浚等兵至鄴穎奉晉主還洛陽浚大掠鄴中而還

李雄自稱成都王

劉淵自稱漢王

此地狄入中國稱王之始

冬十一月張方遷晉主于長安荀藩復羊后

改元復為永安

顯廢太弟穎更立豫章王熾為太弟

十二月改元永興

丑 晉 永興二年

北

夏四月張方復廢羊后

東海王越自領徐州都督傳檄討張方

越留琅邪王睿以平東將軍監徐州軍事

令東海王越等各就國不從

秋八月有星孛于地斗

寅 晉 永興三年六月以後元熹元年

春正月朔日有食之

顯殺張方

越遣祁弘入長安奉晉主東還

復立后羊氏

李雄僭號于蜀國稱成是為後蜀居成都

秋七月朔日有食之

以東海王越為太傅錄尚書事范陽王瓛為

司空鎮鄴

劉輿誅穎于鄴

冬十一月晉主衷中毒卒太弟熾立是為懷帝尊

羊后曰惠后

十二月朔日有食之

南陽王模誅河間王顥

以劉琨為并州刺史

有人兼男女體

晉懷帝武帝子

丁卯 晉主熾 永嘉元年

晉懷有謚非帝協帝禪之比也而書其名

何嗚呼以中華之主不能自立而為夷狄

所辱不死社稷而奴事虜其視失地者為

尤甚焉

郡盜王彌寇青徐

除三族刑

立故廢太子覃弟詮為太子

羯胡石勒陷鄴

五胡乱華羯其一也後趙起于此

以琅邪王睿為安東將軍都督揚州諸軍事

鎮建業

冬十一月朔日有食之

東海王越自為丞相領兗州牧

慕容廆稱鮮卑大單于于遼東

是為前燕居棘城

辰

(晉)

永嘉二年

春正月朔日有食之

有鵝出地中

謹

司馬越殺故太子覃

冬十月匈奴劉淵僭號于蒲子國稱漢

嗚呼此夷狄稱皇帝之始夫春秋謹華夷

之辨吳楚徐越上世皆有顯切通乎周室

本皆華夏之諸侯也聖人以其不循分守

僭號稱王遂一切以夷狄待之其見于經

或稱以子或不舉其國而稱其州未嘗以

其稱王而遂王之也中國之變於夷者聖

人之書法猶謹之如此矧本夷狄而僭吾

中國之大號所謂德兼三皇功過五帝者

哉劉淵本匈奴也入我中華僭我大號即  
以皇帝書之春秋書法豈若是哉愚嘗因  
華夷盛衰之故而嘆世道升降之幾自古  
夷狄為中國寶莫甚於犬戎之弑幽王也  
然旋即遠遁未有據中國之地臣中國之  
人僭中國之號而至于數十年之久者有  
之始自劉淵焉原其所以致此者豈夷狄  
之罪哉中國之人有以感召之也昔平王  
之東遷辛有適伊川見有被髮而祭于野  
者曰不及百年此其戎乎後至魯僖之時

戎

秦晉果遷陸渾之戎于此嗚呼既為沮澤  
潦水自歸既為夷俗戎狄自至氣數之相  
感風聲之相召有由然矣當漢明帝時無  
故以夢寐恍惚之思遣選荒絕漠之使迎  
胡鬼致胡書構帝王之宮以居之屈帝王  
之尊以事之其所以尊崇敬奉之者不止  
被髮野祭而已也以夷召夷遂有五胡亂  
華之禍濫觴於北朝之分治滔天於蒙古  
之混一而中國之土地人民盡為胡有矣  
嗚呼不有



聖人復生則中國帝王所自立之天下幾何而  
不盡淪於夷哉

己巳 永嘉三年

春正月朔熒惑犯紫微

劉淵徙都平陽

司馬越入京師殺朝臣

大旱江漢河洛皆竭

劉淵兵寇洛陽

庚午 永嘉四年

匈奴劉淵死子和嗣其弟聰弑而代之

臣商蒲洪自稱略陽公

五胡乱華其一一也苻秦基干此

劉聰兵寇洛陽

凡潛偽之國及其國之臣子不書其國號  
所以絕奸雄之念杜禍亂之原也故史綱  
於舊史所書之國號如漢趙秦燕之類一  
切削之惟於初起之時一書其所稱之號  
其後率以名稱使後世倡亂干紀之徒知  
其所為弗出於正今雖偽立其名僭為之  
號後世秉史筆者亦不吾與也徒取滅絕

門戶之禍貽笑後世遺臭無窮庶幾禍亂  
 少息乎或曰春秋書齊書晉之類亦非歟  
 曰春秋諸國堯先世皆受天子命為諸侯  
 歷世數百年雖以吳楚徐越當世號為夷  
 者亦皆先王之所封至于戰國齊韓趙魏  
 猶必請命于天子豈彼劉聰石勒之徒崛  
 起草野者比哉况其先皆夷狄自乃父乃  
 祖以來居中國地為中國民已十百年于  
 茲矣其所據之地大者十數郡小者一二  
 郡而已遠或數十年近或十餘年倏起忽

滅終歸無成彼其曰帝曰王曰秦曰趙妄  
 自稱謂耳豈分符錫壤受天子之對命順  
 天膺曆為臣民之推戴哉至于晉亡之後  
 南北朝不相統屬乃書國號云

劉琨表拓跋猗盧為大將軍于封代公  
 遣使徵天下兵入援卒無至者

劉聰兵寇襄陽太傅越率兵討之次于項

辛未  
 晉永嘉五年

石勒陷江夏

李雄兵陷涪梓潼內史譙登死之

平

琅邪王膺逐揚州都督周馥以王敦為刺史  
都督征討諸軍事

司馬越死

以荀晞為大將軍督六州

石勒殺王衍等

夏六月劉聰兵陷洛陽殺太子詮掘諸陵焚

宮廟劉曜烝羊后晉主熾遷于平陽劉聰稱

熾為光祿大夫阿公

此中國帝王為夷狄所執之始嗚呼堂堂  
中國帝王為天地人物之主乃為胡虜所

官

執言以光祿大夫封以平阿公恬然受之  
而不知君死社稷之義其為中國之羞也  
甚矣書之于冊垂戒萬世

荀晞立豫章王端為太子置行臺于蒙城晞  
自領尚書令石勒襲執之

劉曜寇長安遂據之

馮翊太守索綝安夷護軍麴允安定太守賈  
疋謀復晉室擊敗劉聰兵於長安迎秦王業

入雍城

申士  
晉  
永嘉六年

晉主熾在平陽

春二月朔日有食之

琅邪王睿遣將軍紀瞻討石勒于葛陂勒引兵退

張執遣兵衛長安

雍州刺史賈疋等進圍長安劉曜敗走秦王業入長安

石勒據襄國

賈疋等奉秦王業為太子建行臺盜殺賈疋鞠允領雍州刺史

羌酋姚弋仲自稱扶風公

五胡乱華羌其一也後秦基于此

晉 晉

永嘉七年四月以後晉主業建興元年

春二月匈奴劉聰弒晉主熾於平陽庾珉王雋死之

夏四月太子業立於長安是為愍帝以索綝領太

尉

劉聰兵寇長安

石勒遣石虎陷鄴而據之

以琅邪王睿為左丞相南陽王保為右丞相

分督陝東西諸軍事

左丞相睿以祖逖為豫州刺史

王敦表陶侃為荊州刺史

左丞相睿遣世子紹鎮廣陵

晉愍帝 諱業武帝孫

甲 晉建興二年

春正月乙巳黑霧着人如墨

有如日墮于地又有三日相承東行

有流星墮于平陽化為臭肉長三十步

劉聰妻劉氏產蛇獸

蒲子縣馬生人

以張軌為太尉涼州牧

太尉涼州牧西平公張軌卒子寔嗣

史綱於晉世割據諸人皆書死獨於西涼

張氏及前燕慕容氏父子獨書其爵及以

卒書者何予其有匡輔晉室之功也夫晉

之南渡猶周之東遷也東遷之後諸侯不

復宗周獨齊桓晉文奉奉以尊王室為事

故春秋予之當五胡乱華之時于戈紛紛

世不復知有晉矣而張氏據涼慕容氏據

桓

燕獨能不忘本朝此其所以予之也

乙亥 晉建興三年

以左丞相詹為丞相都督中外諸軍事南陽王保為相國劉琨為司空都督并冀幽軍事進代公猗盧爵為王

丞相詹加王敦都督江楊等州軍事

盜發瓊杜霸二陵大有金帛

丙子 晉建興四年

平陽地震雨血于劉聰東宮

河東大蝗瘞之復飛出

漢

犬豕交于劉聰宮門

有豕着冠升劉聰座

劉聰內史女人為男

涼州都督西平公張寔遣兵入援

夏六月朔日有食之

冬十一月劉曜陷長安晉主業被遷于平陽

御史中丞吉朗大都督翹允死之 前晉四主凡五十二

年

劉聰稱晉主為懷安侯

十二月朔日有食之

丞相睿出師露次移檄地征

丑丁 晉建興五年三月以後元帝建武元年

春正月庚子三日並照

西平公張寔聞晉王為劉聰所執大臨三日

遣司馬韓璞將兵伐之

三月丞相睿立為晉王改元建武立宗廟社

稷于建康

晉王以王導為揚州刺史領中書監錄尚書

事

劉琨慕容廆遣使勸進

夏五月壬午日有食之

冬十一月朔日有食之

以劉琨為太尉

晉主立太學

晉主業為劉聰行車騎將軍

劉聰弒晉主業于平陽尚書郎辛廣死之

晉主命課督農功

世史正綱卷十一

丁集

世史正綱卷十二

丁集

○東晉世史都建業

晉元帝

諱睿  
司馬懿曾孫

戊寅  
晉大興元年

春三月晉王立于建業復晉祚

是為元帝

立子紹為太子

以慕容廆為龍驤將軍大單于

劉聰所居堂災燒死聰子二十一人

夏四月朔日有食之

廣武侯劉琨為段匹磾所害



加王導驃騎大將軍開府儀同三司  
雨血于平陽廣袤十里

自古災異之多且異于常未有如晉懷愍  
之世者也然多在平陽之境平陽者劉聰  
之都也聰以匈奴殘孽執辱天子非獨人  
不忍聞天亦不忍聞之也天高高在上鑒  
觀于下有不能言人衆勝天莫如之  
何故出非常之災異以儆省之至再至三  
皆前古所未嘗有者也夫示之以自古所  
無之災異使其知執辱中華之主亦自古

所無之禍亂也天意若曰天子者天之子  
也彼敢凌辱我之子則是蔑我也故出災  
異以代其言然彼猶視之蔑如也於是假  
手於人以報之此其所以有斬準之禍歟  
或曰天心仁愛人君故出災異以儆之天  
於胡奴亦愛之歟曰上天於中華之主一  
氣流通其有過咎天微示怒之之意能改  
即止故其災異皆尋常有者也夷狄戕中  
國主僭中國位天亦惡之故赫然震怒而  
示以非常之變且多焉非但儆乎當時實

亦傲乎萬世也嗚呼孰謂天道無知哉  
劉聰死子粲立斬準弒而代之準發淵塚戮  
聰屍劉氏男女無少長悉誅之  
嗚呼中華之主天所立也其休戚存亡與  
天地相為流通而劉聰以匈奴之孽乃敢  
執而困辱之非但得罪於中國得罪於世  
主而實得罪於天帝也天乃假手於斬準  
屠其族戮其屍禍及其父骨火延其宗廟  
嗚呼天所以報劉聰之辱二帝者亦畧相  
當矣天道之昭昭如此後之人可不畏哉

劉曜立于赤壁封石勒為趙公

冬十一月日夜出高三丈許

書日夜出始此

詔州郡秀孝復試經策

己卯 晉 大典二年

春三月立郊丘于建康合祀天地

劉曜徙都長安

南陽王保自稱晉王改元

江東大饑詔百官言事

劉曜改稱趙

是為前趙

石勒稱趙王于襄國

是為後趙

慕容廆取遼東遣使來獻捷

庚辰 大興三年

以慕容廆為平州刺史

上邽諸將殺晉王保

盜殺涼州刺史張寔弟茂嗣

祖狄進屯雍丘詔加號鎮西將軍

辛巳 大興四年

春三月日中有黑子

石勒兵陷幽冀并州刺史段匹磾不屈死

以戴淵都督司豫劉隗都督青徐諸軍事  
以王導為司空錄尚書事

秋八月常山崩

豫州刺史祖逖卒于雍丘

以慕容廆為車騎將軍平州牧遼東公

壬午 永昌元年

王敦舉兵反于武昌

徵戴淵劉隗入衛

王敦據石頭刁協等分道出戰敗還詔令百

官見敦敦殺僕射周顛驃騎將軍戴淵

敦兵陷長沙湘州刺史譙王承死之

冬閏十一月晉主殂太子紹立明帝是為

尊所生母荀氏為建安郡君

妾無並主母之禮自漢文尊薄太后後世

逐襲之以為常典胡氏謂晉明此舉可謂

約情合義而能以道事親者矣

石勒謀臣張賓死

張右侯石趙之謀臣也而以死書之何以

中國之人為夷狄之輔以為戎華夏之害

狐兔之不如也雖有他美何足稱焉

晉明帝諱紹元帝子  
明帝太寧元年

王敦移屯姑孰自領揚州牧以王導為司徒

立后庾氏以其兄亮為中書監

晉太寧二年

張茂卒子駿嗣

張氏世忠晉室其卒也皆書爵而於茂獨

不書者何原其心也觀茂臨終謂其子曰

晉室雖微汝奉承之不可失又下令曰吾

官非王命苟以集事死之日勿以朝服殮

則其降趙而受其封爵非其本心明矣  
加王導大都督揚州刺史督諸軍討王敦敦  
復反至江寧晉主親征破之敦死其黨伏誅  
西乙 晉 太寧三年  
復三族刑  
贈故譙王承襲淵周顛等官有差  
立子衍為太子  
以陶侃都督荆湘等州軍事  
秋閏七月晉主殂遺詔王導庾亮下壺輔政  
太子衍立 是為成帝

尊庾后為太后  
庾太后臨朝稱制  
冬十一月朔日有食之

晉成帝 諱衍明帝子

西 成 晉 成帝咸和元年

江溫嶠為都督江州軍事

庾亮殺南頓王宗

西 成 晉 咸和二年

夏五月朔日有食之

徵蘇峻為大司農峻與祖約舉兵反

詔庾亮督諸軍討峻  
宣城內史桓彝起兵赴難

子戊  
晉咸和三年

溫嶠以兵赴難

咸陽公卞壺督軍討峻戰敗死之壺二子矜

盱赴敵死

庾亮奔尋陽峻兵犯闕

溫嶠以陶侃入討峻峻遷晉主衍于石頭

桓彝王舒來赴難

峻兵陷宣城內史桓彝死之

蘇峻伏誅

石勒獲劉曜于洛陽殺之曜子熙奔于上邦

丑乙  
晉咸和四年

石勒取長安

論平蘇峻功陶侃桓彝溫嶠以下封拜有差

石虎殺劉熙盡滅劉氏是歲前趙七十三

寅庚  
晉咸和五年

春二月石勒稱趙天王以石虎為大尉封中

山王自是後趙

石勒以袒約不忠于晉誅之夷其族

初稅田畝三升  
石勒僭號于臨漳

辛卯 咸和三年

春三月朔日有食之

冬十一月熒惑守昴

按天文書昴胡星也若動搖主胡兵大起  
李淳風作晉志謂是時二石僭號而其強  
弱常占於昴不闕大徵紫宮也由是觀之  
則昴之一宿在天專主于胡可見矣五胡  
之亂莫甚於二石之時故昴者之變獨多

詳書于冊以見天意於夷固分而外之不  
以其僭中國之號而應以帝王之象也

壬辰 咸和七年  
晉 咸和八年

却石勒使焚其幣

遼東公慕容廆卒子皝嗣

秋七月熒惑入昴

石勒死子弘立石虎自為丞相魏王弒其太  
后劉氏石生等討之不克而死  
張駿遣張淳來上表

甲午 咸和九年

長沙公陶侃卒

李雄死子班立李越尋弒班立其弟期

以庾亮都督江荆等州軍事

以慕容皝為鎮軍大將軍平州刺史遼東公

秋七月熒惑犯昴

石虎弒其主弘自立為居攝天王

乙未 咸康元年

春正月朔晉主冠

二月入昴

晉主幸司徒導府

夏四月石虎南遊臨江而還晉主親勒兵戒

嚴

石虎遷鄴

石虎始聽民為僧

此中國人為僧之始蓋佛法自漢明帝時入中國然漢魏時惟聽西域人立寺都邑中國人皆不得出家至石虎敬事胡僧佛圖澄國人化之始造寺廟削髮出家則是中國之人為僧始于石虎時也虎之詔曰



戎

朕生邊戎柔君諸夏至於饗祀應從本俗  
佛是戒神所應兼奉其夷趙百姓樂事佛  
者特聽之嗚呼虎戎也而事戎神固其所  
也而中國之人亦事之何居晉書佛初志謂魏黃  
始依佛戒削髮為僧而晉書佛初志謂魏黃  
神漢人皆不得出家魏承  
漢制亦循前軌故今從之

冬十月朔日有食之

張駿遣使上疏請北伐

丙申 咸康二年

春正月彗星見奎婁

二月月犯昴

詔求周漢後

丁酉 咸康三年

石虎稱天王

國子祭酒袁瓌太常馮懷請興太學從之

慕容皝稱燕王

戊戌 咸康四年

李壽弒其主期而代之改國號漢

以王導為太傅都督中外諸軍事郗鑒為太

尉庾亮為司空

庚

罷司徒官以王導為丞相

代王拓跋什翼健始置百官于繁峙北

己亥 咸康五年

康亮表請伐石虎

夏四月月犯歲星在昴

丞相王導卒

以何充為護軍將軍庾冰為中書監揚州刺

史參錄尚書事

改丞相為司徒

慕容皝遣使來獻捷

捷

庚子 咸康六年

以何充為中書令庾翼都督江荆等軍州事

春正月有星孛于太微

辛丑 咸康七年

春二月朔日有食之

封慕容皝為燕王

正土斷白籍

壬寅 咸康八年

春正月朔日有食之

夏六月晉主殂弟岳立  
是為康帝

石虎徵兵入冠

晉康帝

諱岳成帝子

癸卯

康帝建元元年

詔議經略中原庾翼表遣梁州刺史桓宣伐

石虎

李壽死子勢立

庾翼自移鎮襄陽詔因以翼都督征討諸軍

車庾冰都督荆江等州軍事

徵何充為揚州刺史錄尚書事

甲辰

晉建元二年

春正月太白入昴

熒惑守房心石虎殺其中書監王波以應之

秋九月晉主廋子聃立

是為穆帝

尊褚后為太后

太后臨朝稱制

晉穆帝

諱聃康帝子

乙巳

晉

穆帝永和元年

以會稽王昱為撫軍大將軍錄尚書六條事

以桓温都督荆梁等州軍事

張駿自稱涼王

石虎以姚弋仲為冠軍大將軍

丙午 永和二年

以蔡謨領司徒錄尚書六條事

以殷浩為揚州刺史

夏四月朔日有食之

張駿卒子重華嗣

桓溫輒興兵伐李勢

丁未 永和三年

桓溫入蜀李勢降

是歲李氏亡始稱成後改漢五世四十七年

封李勢為歸義侯

以張重華為涼州刺史西平公

戊申 永和四年

加桓溫征西大將軍

慕容皝卒子儁嗣

己酉 永和五年

石虎僭號

封慕容儁為燕王

石虎死子世立其兄遵殺而代之

蒲洪遣使來降

桓溫遣諸將討河北

征討都督褚裒率師伐石遵其部將為遵所  
執裒退屯廣陵

冬十月月犯昴

石鑿殺石遵而代之

秦雍流民推蒲洪為主

石閔幽石鑿殺胡羯二十萬人

庚

晉永和六年

石閔改趙稱衛殺石鑿而代之國號魏姓尋後

冉魏始見此

以殷浩督揚豫徐兗青五州軍事

春閏正月彗星見于元

蒲洪自稱三秦王改姓苻是為前秦居長安

麻秋稱殺苻洪洪子健斬秋遣使來請命

石祗立于襄國

冉閔徵晉故散騎常侍辛謚謚不屈卒

苻健入長安遣使來獻捷

亥

晉永和七年

春正月朔日有食之

二月太白犯昴

苻健自稱秦天王

劉顯弒石祗而代之

是歲後趙亡七世三十三年

徐兗荆豫洛州來歸

姚弋仲遣使來降以為車騎將軍

桓温輒與兵北伐既而復還鎮

子

晉永和八年

春正月朔日有食之

苻健僭號于長安國稱秦

由閔殺劉顯

殷浩率諸軍北伐進屯泗口

持節六夷大都督車騎大將軍高陵郡公姚

弋仲率子襄卒眾來歸

弋仲羞也其卒書官不書死何弋仲雖夷而有向華之心其戒子之言曰晉室大亂中原無主自古以來未有戎狄作天子者我死汝便歸晉竭臣節無為不義之事嗚呼弋仲親見劉石之稱皇帝而言無戎狄作天子其心蓋亦知其黨類僭竊之非柰何中國之人反助夷以侵華甚者又稱獎而進之其視弋仲豈但天淵哉

慕容恪執冉閔殺

冉魏僅三歲而亡

殷浩罷遣太學生徒

慕容儁僭號于龍都國稱燕

進張重華為涼州牧

癸丑 永和九年

殷浩進次山桑為其前驅姚襄所敗走譙城

張重華卒子曜靈嗣涼州人廢曜靈而以張

祚代之

以謝尚都督江西淮南軍事

甲寅 永和十年

春正月月蝕昂

張祚自稱涼王

殷浩以罪免為庶人

桓温帥師伐苻健

姚襄叛

桓温大敗苻健兵于藍田進軍灊上三輔皆

降温尋以戰不利還師

乙卯 永和十一年

苻健死子生立

凉州殺張祚立張玄靚為王復奉晋正朔

丙辰 永和十二年

以桓温為征討大都督督諸軍討姚襄  
桓温敗姚襄于伊水遂入洛陽脩謁諸陵置  
戍而還

慕容儁悉有齊地

冬十月朔日有食之

遣官如洛陽脩五陵晉主率群臣服總臨

己丁  
晉升平元年

春正月朔晉主冠

二月大白入東井

苻堅斬姚襄

苻堅弒其主生自稱天王  
慕容儁徙居鄴

苻堅以王猛為尚書左

戊  
晉升平二年

夏五月有星孛于天船

以謝萬監司豫等州軍事

以郝曇督徐兗州軍事

己  
晉升平三年

諸葛攸伐慕容儁敗績許穎諸郡皆沒

庚  
晉升平四年



穆

收

慕容儁死子暉立

秋八月朔日有食之死

桓温以謝安為征西司馬

辛酉 晉 升平五年

夏五月晉主廋子丕立 是為哀帝

桓温鎮宛遣兵取許昌

以張玄靚為涼州刺史西平公

晉哀帝 諱不

魏帝子 哀帝隆和元年

減田租畝物二升

請

以庾希為徐兗刺史袁真監豫司等州軍事

桓温上疏諸遷都洛陽

冬十二月朔日有食之

亥癸 晉 興寧元年

加桓温大司馬都督中外諸軍錄尚書事

秋八月有星孛于角亢入天市

張天錫弒玄靚而代之

子甲 晉 興寧二年

大閱戶口令所在土斷

晉主以餌方士藥得疾不能視朝太后臨朝

攝政

慕容暉兵陷河南諸城

加桓溫楊州牧錄尚書事

遣使諭溫入朝不至

丑乙

興寧三年

桓溫移鎮姑孰以弟豁監荆楊等州軍事

春三月晉主殂弟奕立

是為海西公

慕容暉兵陷洛陽將軍沈勁死之

徙會稽王昱為琅邪王昱仍稱會稽王

司馬勲反于成都

海西公

諱奕  
哀帝弟

丙寅

海西公太和元年

以會稽王昱為丞相錄尚書事加殊禮

丁卯

太和二年

以都督都督徐亮等州軍事

戊辰

太和三年

春三月朔日有食之

桓溫自加殊禮位諸侯王上

以仇池公楊世為秦州刺史

己巳

太和四年

桓温帥師伐慕容暉苻堅遣兵救之戰于枋頭不利而還

慕容垂避其主暉奔苻堅

苻堅遣王猛等伐慕容暉取洛陽

桓温徙鎮廣陵

庚午 太和五年

秋七月朔日有食之

苻堅執慕容暉是歲前燕元四世六十年

苻堅遷慕容暉及鮮卑四萬戶於長安

辛未 太和六年十一月以後簡文帝咸安元年

冬十一月桓温入朝廢晉主奕為東海王迎

立會稽王昱是為簡文帝

晉簡文帝諱昱元帝少子

壬申 晉主殂子昌明立是為孝武帝

秋七月

晉孝武帝諱昌明簡文子

癸酉 孝武帝寧康元年

春二月桓温來朝

秋七月桓温死以温弟冲都督楊豫江州軍事

褚太后復臨朝

以王彪之為尚書令謝安為僕射共掌朝政

苻堅兵寇梁益陷之

以王坦之為中書令領丹陽尹

冬彗星見長十餘丈

甲戌 寧康二年

以王坦之都督徐袞等州軍事謝安總中書

春三月彗星見

己亥 寧康三年

桓冲讓謝安領揚州刺史

王猛卒

凡仕夷者皆以死書而猛獨書卒何原其  
心也猛負高世之資生亂離之世不得已  
而仕秦其心蓋惓惓然以中國生靈為念  
觀其臨終秦主訪以後事猛曰晉雖僻處  
江南然正朔相承上下安和臣沒之後願  
勿以晉為圖噫所謂正朔相承一言其深  
明華夷之分識順逆之理也歟表而出之  
以為不幸而仕夷者之法然既予之而不  
書其官何不書秦官以見仕夷非其得已

也

冬十月朔日有食之

苻堅禁老莊圖讖之學

丙 丑 (晉) 太元元年

春正月朔晉主冠褚太后歸政

以謝安為中書監錄尚書事

苻堅兵擊涼州守將掌據死之

張天錫降于苻堅 是歲前涼亡

詔除度田收租之制

冬十一月朔日有食之

苻堅兵擊什翼犍敗之什翼犍為其子寔君  
所弑堅誅寔君分代為二部

丁 (晉) 太元二年

加謝安都督揚豫等州軍事

以桓冲都督江荆等州軍事謝玄監江北軍

事

戊 (晉) 太元三年

苻堅兵陷南陽

苻堅遣兵分道入寇

己 (晉) 太元四年

苻堅兵陷襄陽及淮陰彭城

苻堅兵陷魏興太守吉挹死之

冬十二月朔日有食之

庚辰 太元五年

苻堅兵退以謝安為衛將軍

辛巳 太元六年

立佛精舍于內殿

夏六月朔日有食之

江東大饑

壬午 太元七年

苻堅謀入寇以苻融為征南大將軍

癸未 太元八年

秋八月苻堅大舉入寇

命征討都督謝石冠軍將軍謝玄等率師拒

苻堅

以琅邪王導子錄尚書六條事

謝石謝玄等大破苻堅兵于淝水堅走還長

安

初開酒禁增民稅米口五石

甲申 太元九年

慕容垂稱燕王

遣將軍劉牢之等伐苻堅拔譙城魏興等城

以謝安為大保

姚萇自稱秦王于北地是為後秦

遣謝玄取河南

加謝安都督十五州軍事

冬十月朔日有食之

乙酉 **晉** 太元十年

慕容冲立復稱燕于阿房是為西燕

慕容冲攻苻堅堅出奔五將山

太保建昌公謝安卒

以琅邪王導子領揚州刺史錄尚書都督中

外諸軍事

姚萇弒苻堅

苻堅子丕立于晉陽

劉顯弒頭眷而代之拓跋珪奔賀蘭部

呂光弒涼州刺史梁熙而代之是為後涼居姑臧

乞伏國仁稱單于是為西秦居勇士城

國仁鮮卑種也

丙戌 **晉** 太元十一年

拓跋珪復稱代王尋改魏 居盛樂

北朝基于此

慕容垂立于中山復稱燕 是為後燕

西燕人殺慕容冲立段隨為王又殺隨立慕容顗顗復見殺立冲子瑤慕容永又弑瑤立

泓之子忠尋殺忠而自立于長子

姚萇僭號于長安

馮該斬苻丕執其子寧等送建康

苻堅族子登立于南安

丁亥 晉 太元十二年

拓跋珪大破劉顯

子戊 晉 太元十三年

康樂公謝玄卒

翟遼自稱魏天王

乞伏國仁死弟乾歸嗣 徙居金城

己丑 晉 太元十四年

姚萇襲苻登輜重妻毛氏死

庚寅 晉 太元十五年

慕容永寇洛陽朱序擊走之還擊走翟遼

以王恭都督青兗等州軍事



秋七月有星孛于太微歷北斗入紫微

辛卯 太元十六年

拓跋珪大破劉衛辰諸部悉降

壬辰 太元十七年

夏五月朔日有食之

以殷仲堪都督荆益寧州軍事

徙導子為會稽王

李遼表請脩孔子廟不報

癸巳 太元十八年

姚萇死子興即帥師擊苻登

甲午 太元十九年

姚興殺苻登登子崇立尋敗死是歲秦亡六世四十五年

姚興立

慕容業殺慕容永是歲西燕亡九年

乙未 太元二十年

春三月朔日有食之

秋七月長星見

丙申 太元二十一年

慕容垂死子寶立

慕容寶弒其母

呂光稱涼天王

秋七月貴人張氏弒晉主子清暑殿子德宗

立是為

安帝

拓跋珪大舉擊慕容寶

晉安帝 諱德宗 武帝子

丁酉 晉安帝隆安元年

春正月晉王冠

以王珣為尚書令王國寶為左僕射

禿髮烏孤稱西平王 是為南涼 居樂都

烏孤鮮卑種也

王恭舉兵反晉誅王國寶王緒晉主賜國寶死殺緒

按胡安國曰春秋書趙鞅歸于晉先儒或謂言歸者以地正國也鞅取晉陽之甲以逐君側之惡人則其說誤矣以地正國而可是人主可得而晉人臣檀輿無罪以兵諫者真愛其君也使後世賊臣稱兵向闕以誅君側為名而實欲晉君取國者則此說啓之矣嗚呼自王恭為此舉而後世握兵居外者徃徃以此藉口稱兵犯闕經旨

之不明其禍一至此哉

以會稽王導子子元頭為征虜將軍

段業稱建康公尋稱涼王是為北涼

慕容詳自立于中山慕容麟龍殺詳而代之

拓跋珪大破慕容麟克中山

戊戌  
晉隆安二年

慕容德稱燕王于滑臺德後為備德是為南燕

慕容寶為其下所殺子盛立

王恭殷仲堪桓玄楊佺期舉兵反玄陷江州

加會稽王導子黃鉞討王恭

桓玄大破王師于白石

王恭司馬劉牢之執恭以降誅之

以劉牢之都督青兗七州軍事桓玄楊佺期

殷仲堪為刺史救仲堪使回軍

復以殷仲堪督荆益軍仲堪等罷兵還鎮

拓跋珪立官制作禮樂定律令考天象

珪稱號于代都是為魏命朝野束髮加帽

人孫泰謀亂伏誅兄子恩逃入海

己亥  
晉隆安三年

拓跋珪置五經博士大索書籍

以元頭為揚州刺史

姚興寇洛陽拓跋珪遣兵來救

秃髮烏孤死弟利鹿孤嗣徙西

姚興自降稱秦王

姚興陷洛陽

妖賊孫恩陷會稽

以元頭錄尚書事

桓玄江陵殺殷仲堪楊佺期

呂光死子紹嗣庶兄纂殺而代之

庚子  
晉隆安四年

春二月有星孛于奎婁

三月彗星見于紫微

慕容盛貶號為庶人天王

桓玄表求都督荆江八州軍事

夏六月朔日有食之

秋九月地震

以元頭都督揚豫等十六州軍事

李暠稱涼公是為西涼居敦煌

冬十二月有星孛于天津考晉書津作市

司馬元頭殺吏部尚書車胤御史中丞江績

葉適曰元頭一日以私意而檀殺二大臣

丑

晉

隆安五年

呂超誅呂纂而以其兄隆代之纂事自殺

孫恩寇海鹽又寇丹徒劉裕討破之

沮渠蒙遜弒段業稱張掖公北涼

以劉裕為下邳太守大破孫恩

段玳弒慕容盛其母立盛叔父熙

寅

晉

元興元年

詔狀桓玄罪以元頭為征討大都督討之

元頭軍潰玄入建康自為太尉總百揆殺元顯等

妖賊孫恩死玄以恩黨盧循為永嘉太守

利鹿孤死弟儁檀嗣始稱涼王

柔然社論自號可汗

此北狄稱可汗之始前此拓跋之先雖有

可汗之稱然皆追封者耳唐杜佑謂可汗

之稱始此

卯

晉

元興二年

桓玄自為大將軍

夏四月朔日有食之

玄自為相國楚王

冬十一月玄篡位廢晉主為平固王遷于尋陽

益州刺史毛璩起兵討桓玄

柘跋珪初制冠服

甲辰

晉元興三年

晉主德宗居尋陽

劉裕起兵討桓玄

劉裕破桓謙桓玄出走裕立留基于石頭

玄至尋陽逼晉主德宗西上劉毅等率兵追之

劉裕推武陵王遵承制行事

玄挾晉主德宗入江陵

何無忌等破玄于桑落州

玄挾晉主德宗東下

劉毅等及玄戰于嶂嶸洲大破之玄復挾晉

主德宗入江陵

桓玄伏誅

晉主復位于江陵

呂隆降于姚興是歲後涼亡  
三世十九年

乙(晉) 義熙元年

姚興命鳩摩羅什翻譯佛書

中國有梵夾書始盛于此嗚呼書字自蒼  
頡以來有所謂籀文篆隸行草其聲音文  
字三代以來未之有異也至是始有一種  
怪體殊音之製以亂我中國自結繩以來  
之書嗚呼作俑者漢明帝也然是時止有  
四十二章之經藏之官寺是後雖有胡僧  
安靜支懺康會等翻譯未甚傳布民間至

是姚興始大集胡僧以華音譯番語自時  
厥後偽作日增無從質正遂至遍滿天下  
家傳而人誦之而中國之人虛矯者又剽  
竊老莊之緒餘以粉飾之遂至淪人肌膚  
入人骨髓膠固深密而不可解散其尤可  
惡者竊我聖經之名名其邪偽之作雖其  
以經為訓異乎經常之義然亦無忌憚矣  
嗚呼揆之名教其罪可勝誅哉

譙縱自稱成都王  
晉主還建康

以劉裕都督十六州軍事出鎮京口

以賊黨盧循為廣州刺史

荆湘江豫平

劉裕遣使求和于姚興得南鄉等十二郡

慕容備德死子超立

丙午 義熙二年

論建義功封賞劉裕等有差

丁未 義熙三年

劉裕滅殷仲文桓冲孫胤族

赫連勃勃稱大夏天王 是為夏居統萬

秋七月朔日有食之

高雲弒慕容熙而滅之自主為天王 是歲後燕七十四

世二十四年高雲立是為北燕

戊申 義熙四年

劉裕自為揚州刺史錄尚書事

己酉 義熙五年

春二月月犯昴

劉裕伐慕容超大破之遂圍廣固

乞伏乾歸復稱秦王

燕人殺高雲馮跋自稱天王 亦稱北燕居龍城

加



秋九月月犯昴閏十月月又犯昴

拓跋珪子紹弒珪子嗣誅紹自立是為魏

戊庚 (晉) 義熙六年

劉裕拔廣固執慕容超送建康斬之是歲南燕亡二

世十三年

盧循等復反

江荆都督何無忌討徐道覆戰敗死之

盧循進逼建康

劉裕自為太尉中書監加黃鉞復辭官而受

黃鉞

辛亥 (晉) 義熙七年

秋七月五虹見于東方

劉裕受太尉中書監之命

盧循伏誅

壬子 (晉) 義熙八年

以劉毅都督荆寧秦雍軍事

乞伏乾歸為其下所弒子熾盤嗣

劉祐帥師襲荊州毅都督劉毅

裕自加太傅揚州牧復辭不受

丑癸 (晉) 義熙九年

劉裕殺豫州刺史諸葛長民

併省流寓郡縣

朱齡石誅譙縱成都平

寅

晉義熙十年

劉裕廢譙王文思為庶人

乞伏熾盤龍殺偁檀是歲南涼亡

秋九月朔日有食之

卯

晉義熙十一年

夏五月彗星二見

書彗並見始此

劉裕攻司馬休之于荊州休之出奔投姚興

裕劍履上殿入朝不趨贊拜不名

秋七月晦日有食之

熒惑不見八十餘日復出東并秦地大旱

丙辰

晉義熙十二年

劉裕自加都督二十二州軍事

姚興死子泓立

裕自加中外大都督督諸軍伐姚泓

將軍檀道濟克洛陽

詔遣王恢之偕謁五陵

裕自加相國揚州牧封宋公備九錫復辭不受

己丁 義熙十三年

春正月朔日有食之

李暹卒子歆嗣

裕遣使假道于拓跋嗣遣兵屯河北裕兵

大破之裕入洛陽

秋八月裕至潼關遣王鎮惡自河入渭大破

姚泓兵遂入長安泓出降

是歲後秦亡三世三十四年

九月裕至長安

劉裕自進爵為王增封十郡復辭不受

劉穆之死

冬十二月裕東還留子義真都督雍梁秦州

軍事

赫連勃勃遣兵向長安

義熙十四年

沈田子矯殺王鎮惡王脩討田子誅之

劉裕始受相國宋公九錫之命

劉義真殺其長史王脩關中大亂

赫連勃勃陷長安

義真逃歸

赫連勃勃僭號于長安

彗星出太微進掃紫微

劉裕殺晉主于東堂立琅邪王德文是為

晉主德文安帝弟

己未 恭帝元熙元年

赫連勃勃還統萬

劉裕殺晉宗室之有才望者

宗室司馬楚之據長社

冬十一月朔有食之

庚申 元熙二年六月以後宋主劉裕永初元年

夏四月長星出竟天

六月劉裕篡位國號宋是為宋廢晉主德文


為零陵王以兵守之是歲晉七東晉十一主

共一百五元一百四年前後西晉

十六年 劉裕改晉封爵

沮渠蒙遜殺李歆歆弟恂出奔是歲西涼亡

世史正綱卷十二



丁集

